

蘭陔四六下冊

蘭陵四六目錄

卷一

表

薦賢表代

謁陵表代

恩詔謝表代

御賜書及鹿雉謝表代

頌

莆田鄭王臣慎人著

臨幸貢院頌代

南巡頌代

賦

東巡盛京謁

祖陵大禮慶成賦代

南巡賦代

燕都賦

送富賦

美人影賦

撲流螢賦

並頭比翼賦

授衣賦

石榴花賦

卷二

序

燕都同年文會序

陳一吾學士文集序

周蘭坡學士詩選序

符葑林于役河干詩序

張時圃詩選序

黃黃初屺懷篇序

陳雲子臺灣竹枝詞序

集字吟秋詩序

香草艸序

壽序

張石海先生壽序

馮咸六學使壽序

灝松山太守壽序

林母徐孺人壽序

卷三

書

上周撫軍為戴某求匾獎書

致謝乾齋明府書

啓

賀開制府回任啓

賀開制府加銜啓

賀開制府兼制西安啓

謝開制府委署筠連啓

賀開制府中秋啓

賀開制府生日啓

又

又

又

謝吳制府賚哈密瓜啟

又

代鹽道請制府盤庫

又

賀吳臬司陞藩司啓

賀吳藩司生日啓

賀吳藩司中秋啓

送吳藩司入覲啓

到新寧任謝徐藩司啓

送徐藩司調任黔藩啓

賀顧臬司到任啓

賀顧臬司中秋啓

賀郎州尊太夫人生日啟

賀郎州尊夫人生日啟

冬至日謝人貽哈密瓜蒲葦扇

陳烈婦吳孺人徵詩啟

卷四

祝文

潼川禹廟祈雨文

潼川靈泉取水文

禹廟謝雨文

新寧城隍廟祈雨祝文

告城隍謝雨文

祭文

祭呂樸巖少司農文

祭蔡克齋侍郎文

祭蕭太守文

祭陳遠園夫子文

祭李東與訓導文

祭周母劉太夫人文代

又

祭陳母金太孺人文

祭宋母林孺人文

辭

宋母林孺人哀辭

誄

韓母張孺人誄辭

疏

募收露骨疏

蘭陔四六卷三

莆田鄭王臣慎人著

書 啟

上周撫軍為戴某求匾獎書

竊聞書垂表里史著旌閭廉稱龔勝之門義榜嚴期之
第坊名遺直曾傳玉局題詩巷號修文又見艾軒載咏
用彰潛德足勵淳風伏見某州黨聞人雍庠望士陔南
草綠採蘭膳以承歡洛涘柳青奉板輿而行樂共產則
荆花夜合同衾則棣鄂朝榮敦族誼則葛庇其根篤茲

情則松徵其信監侯之粟常貸莊周鮑叔之財輒分管仲敝車裘而無憾乎金石以不渝陳書發篋揣摩不在陰符閉戶下帷咕嗶原非帖括稟一經以立訓儼同課子韋賢受七業而俱興肯效譽兒福時眼中頗饒犀角膝下殊有鳳毛槐黃大道之旁奔逐寧隨火馬桂滿小山之畔徜徉欲擬冥鴻倂隱德於彥方人心亦草比陰功於子約已耳獨鳴近因幕佐飛荒遽爾屋巢怪鵬論既已定芳自宜揚慶逢台臺道紹元公學傳茂叔揆藻橫揮九制名蜚金馬之廬明刑春聽五聲望著白龍之

署昔持玉尺風遍拂以皆春今建油幢星遙臨而是福
伏乞俯採輿論特賜褒章玉畫飄來珍比連城之璧銀
鈎擲下重於照乘之珠郭有道得蔡中郎之碑名將益
顯溫太真博王文憲之贊德自彌馨庶幾入月旦之品
題行可坊而言可表聞風聲以興起頌亦廉而薄亦敦
矣

致謝乾齋明府書

昨過雷封獲登鈴閣幸邀懽於有道輒假寵於下交十
日盡歡萬間托庇不圖萍水乃契芥針恭惟舌有青蓮

心如白水春艸入夢文章排沙裏之金寶樹臨風丰度
避雞群之鶴補袞才先煩製錦和羹手暫試烹鮮鏡可
照妖蝸有角而不鬪琴能解慍鼠無牙其何穿四民乃
戴二天一夜而成五袴春原有脚雨自無私蒞花縣者
三花滿境上典棘闈至再棘撒門前滄海之珠無遺荆
山之玉不泣此所以人思登李士願識荆也某一介書
生十閩寒士胸裏深慚空洞目下粗識之無倚馬何能
雕蟲自愧觀光上國取道青齊一百里外即家祖舊治
之邦望白雲而情烏能已十二年前乃小子經行之道

撫綠柳而歎何以堪雅慕風徽爰通左右海北逢北海
幸慰生平山東見東山應增聲價小友非繁漫登君子
之堂孺子異徐亦上高賢之榻既領醇醴復割清饘心
乎愛矣何日忘之惟有縈意絲而繡平原範心全以鑄
少伯而已矣入都三月結想鳬飛稅駕六旬難憑鴻羽
寄遙情於碧天之月緬雅度於青岱之雲特附郵筒上
煩記室寂寥筆陣自慙無以報瓊搖曳心旌未識何時
倚玉因風遙拜無任神馳呵凍謹裁仰希照及

賀開制府回任啓

竊惟介主入覲修歲事之陳謨衮繡遄旋慰輿人之待
澤召王嘉於宣室晝接承恩返黃霸於潁川星言風駕
命申重巽懽溢全坤恭惟宜大以方清和而任事業則
許伊周為伯仲文章則命屈宋作衙官滌紅籀以控荆
化行江漢馳繚緜而諭蜀勲峙岷峨九重之眷注方深
四國之保釐已久帝思賈誼聿來四輩之宣民借寇恂
難抑群黎之願將貯金甌而枚卜用汝為霖復指玉壘
以來臨望公如歲四牡四駱喜王陽叱馭而驅之一鶴
一龜慶趙抃囊琴而至止雪山因之增重火井於以生